

et volenté, ensemble se chose voulez que puissions et nous la ferons de bon cuer.

Treschiers et bons amis, Nostre Seigneur soit garde de vous. Escript à Bourges le second jour de juing (1425),

Le conte DE RICHEMONT, Connestable de France,

Signé : ARTUR.

Et plus bas : GILET.

LETTRE DE JEAN VI, DUC DE BRETAGNE.

*Au dos* : A nos treschiers et bien amez les Gens d'eglise, bourgeois et habitans de la bonne ville de Lyon sur le Rosne.

Le duc de Bretaigne, conte de Montfort et de Richemont.

Treschiers et bien amez, après ce que nostre treschier et très amé frère le conte de Richemond eut, de nostre consentement et pour le bien de paix, le relèvement du royaulme de Monseigneur le Roy et de sa couronne, prins l'office de connestable ainsi que savez, lui, voulant procéder aux chouses dessus dites ainsi que ja avoit commancé et continué à son povoïr, comme avons sceu par les entrevenans, et croyons que tendis fera de mielx en mielx, le présidant de Provance avecques certains ses adherez et complices lesquelx sont de povre, bas et petit lieu, pour conventise de gouverner et d'atirer à eulx les chevances du royaulme sans avoir esgart au bien de mon dit seigneur, mais seulement pour leur singulier prouffilt en empescheant le dit bien de paix, ont de nouvel fait certaines manières d'entreprinses contre notre dit frère en le voullant faire tuer et meurtrir se faire le peussent. Et imposans qu'il est ennemy de mon dit seigneur le Roy et plusieurs aultres chouses à l'encontre de lui, non mye de lui mais principalement de